



საქართველოს საბჭოთა სოციალისტური რესპუბლიკის



# უმაღლესი საბჭოს უწყებები

№ 4 (67)

7 სექტემბერი

1955 წელი

## შინაარსი

საქართველოს სსრ უმაღლესი საბჭოს პრეზიდიუმის ბრძანებულებანი და დადგენილებანი

1. ბრძანებულება საქართველოს სსრ საბჭოთა მეურნეობების სამინისტროს სისტემის მუშაკთათვის საქართველოს სსრ დამსახურებული აგრონომის საპატიო წოდების მინიჭების შესახებ.
2. ბრძანებულება საქართველოს სსრ საბჭოთა მეურნეობების სამინისტროს სისტემის მუშაკთათვის საქართველოს სსრ დამსახურებული ზოოტექნიკოსის საპატიო წოდების მინიჭების შესახებ.
3. ხელისუფლების ადგილობრივი ორგანოების მიერ გამოტანილი გადაწყვეტილებების კანონიერების შესახებ.
4. სამტრედიის რაიონის მშრომელთა დეპუტატების საბჭოს აღმასკომის ორგმასობრივი მუშაობის შესახებ.
5. ბრძანებულება საქართველოს სსრ ზოგიერთ რაიონში ადმინისტრაციულ-ტერიტორიული ცვლილებების შესახებ.
6. ბრძანებულება „საქართველოს სსრ სისხლის სამართლის კოდექსის ზოგიერთი ცვლილების შესახებ“ საქართველოს სსრ უმაღლესი საბჭოს პრეზიდიუმის 1942 წლის 4 მარტის ბრძანებულების მე-15 პუნქტის გაუქმების შესახებ.

## საქართველოს სსრ უმაღლესი საბჭოს პრეზიდიუმის ბრძანებულებანი და დადგენილებანი

1. ბრძანებულება საქართველოს სსრ საბჭოთა მეურნეობების სამინისტროს  
სისტემის მუშაკათვის საქართველოს სსრ დამსახურებული აგრონომის  
საპატიო წოდების მინიჭების შესახებ

სოფლის მეურნეობის განვითარების საქმეში ხანგრძლივი მუშაობისა და  
დამსახურებისათვის მიენიჭეთ საქართველოს სსრ დამსახურებული აგრონომის  
საპატიო წოდება:

- |   |   |
|---|---|
| 1. გოგინავას ილარიონ<br>იოსების-ძეს     | — დიდი ჭყონის ჩაის საბჭოთა მეურნეობის<br>მთავარ აგრონომს  |
| 2. თოდრიას ბენიამინ<br>ივლიანეს ძეს     | — ურეკის ციტრუსების საბჭოთა მეურნეო-<br>ბის მთავარ აგრონომს   |
| 3. კახიანს გიორგი<br>გრიგოლის-ძეს       | — ციხისძირის ციტრუსების საბჭოთა მეურ-<br>ნეობის მთავარ აგრონომს   |
| 4. კვაჭაძეს ალექსანდრე<br>სიოს-ძეს      | — სალიბაურის ჩაის საბჭოთა მეურნეობის<br>მთავარ აგრონომს   |
| 5. კეკელიძეს აკაკი<br>სამსონის-ძეს      | — საქართველოს სსრ საბჭოთა მეურნეობების<br>სამინისტროს სუბტროპიკული კულტურე-<br>ბის სამმართველოს მთავარ აგრონომს       |
| 6. ნამჩენკოს მიხეილ<br>პეტრეს-ძეს       | — საქართველოს სსრ საბჭოთა მეურნეობე-<br>ბის სამინისტროს სუბტროპიკული კულ-<br>ტურების სამმართველოს უფროს აგრო-<br>ნომს |
| 7. ქირიას გენადი პეტრეს-ძეს             | — გავრის ციტრუსების საბჭოთა მეურნეო-<br>ბის დირექტორს   |
| 8. შარაშიძეს ილია<br>მიხეილის-ძეს       | — ილიჩის სახელობის ციტრუსების საბჭო-<br>თა მეურნეობის მთავარ აგრონომს   |
| 9. ჩიტაიშვილს ალექსანდრე<br>ანტონის-ძეს | — საქართველოს სსრ საბჭოთა მეურნეობე-<br>ბის სამინისტროს სუბტროპიკული კულ-<br>ტურების სამმართველოს აგრონომს            |
| 10. წულუკიძეს ასლან<br>ანტონის-ძეს      | — საქართველოს სსრ საბჭოთა მეურნეობე-<br>ბის სამინისტროს სუბტროპიკული კულ-<br>ტურების სამმართველოს აგრონომს            |
| 11. ჭეიშვილს ვახტანგ<br>ალექსის-ძეს     | — ნარუჯის ჩაის საბჭოთა მეურნეობის დი-<br>რექტორს.   |

საქართველოს სსრ უმაღლესი საბჭოს  
პრეზიდიუმის თავმჯდომარის მოადგილე—**ლ. დავითაძე.**

საქართველოს სსრ უმაღლესი საბჭოს  
პრეზიდიუმის მდივანი—**ს. როსტიაშვილი.**



**2. ზრდაწესდების საქართველოს სსრ საბჭოთა მეურნეობების სამინისტროს სისტემის მუშაკთათვის საქართველოს სსრ დამსახურებული ზოტექნიკოსის საპატიო წოდების მინიჭების შესახებ**

საბჭოთა მეურნეობებში მეცხოველეობის განვითარების დარგში ხანგრძლივი მუშაობისა და დამსახურებისათვის მიენიჭოთ საქართველოს სსრ დამსახურებული ზოტექნიკოსის საპატიო წოდება:

- |                    |   |
|--------------------|---|
| 1. ბაძოშვილს ივანე | — ელდარის მეცხვარეობის საბჭოთა მეურნეობის ზოტექნიკოსი—სელექციონერს      |
| ალექსის-ძეს        |   |
| 2. გოგოძეს შალვა   | — კრწანისის მებოსტნეობისა და რძის საბჭოთა მეურნეობის უფროს ზოტექნიკოსს. |
| ლეონტის-ძეს        |   |

საქართველოს სსრ უმაღლესი საბჭოს  
პრეზიდიუმის თავმჯდომარის მოადგილე—**ლ. დავითაძე.**

საქართველოს სსრ უმაღლესი საბჭოს  
პრეზიდიუმის მდივანი—**ს. როსტიაშვილი.**

ქ. თბილისი.  
1955 წ. 23 ივლისი.

**3. ხელისუფლების ადგილობრივი ორგანოების მიერ გამოტანილი გადაწყვეტილებების კანონიერების შესახებ**

მოისმინა და განიხილა რა საქართველოს სსრ პროკურორის ამხ. მ. ე. თოფურაძის მოხსენება და საქართველოს სსრ უმაღლესი საბჭოს პრეზიდიუმის იურიდიული განყოფილების უფროსის ამხ. ა. კ. ჩიქვანაიას თანამოხსენება ბათუმის, ბოლნისის, გურჯაანის, ორჯონიკიძის, სტალინირის, თელავის, ქობულეთის და ყაზბეგის რაიონების მშრომელთა დეპუტატების საბჭოების აღმასრულებელი კომიტეტების მიერ გამოტანილ გადაწყვეტილებების კანონიერების შესახებ, საქართველოს სსრ უმაღლესი საბჭოს პრეზიდიუმი აღნიშნავს, რომ დასახელებული რაიონების მშრომელთა დეპუტატების საბჭოების აღმასკომების მიერ მიღებული გადაწყვეტილებანი ძირითადად შეესაბამებთან მოქმედ კანონმდებლობას.

მიუხედავად ამისა, აღნიშნული რაისაბჭოების აღმასკომები რიგ შემთხვევაში ლეზულობენ არასწორ გადაწყვეტილებებს. მაგალითად: ბოლნისის მშრომელთა დეპუტატების რაისაბჭოს აღმასკომმა თავის 1954 წლის 9 სექტემბრის, 1 დეკემბრის და 1955 წლის 3 ივნისის გადაწყვეტილებებით დაამტკიცა კოლმეურნეობების წევრთა არაუფლებამოსილ საერთო კრებების უკანონო დადგენილებანი კოლმეურნეობიდან მაგამედა მალიკ ოღლის, ურუ ალლაზ ყუხის, მ. მამედოვის, ტ. პოგოსიანის, ლ. მალრაძის, ა. ვაფრინდაშვილის და მ. ტაკნიაშვილის გარიცხვის შესახებ, რითაც დარღვეული იქნა სასოფლო-სამეურნეო არტელის წესდების 8 და 17 მუხლები.

ბოლნისის რაიონის მშრომელთა დეპუტატების საბჭოს აღმასკომის თავმჯდომარემ ამხ. ა. მამედოვმა ერთპიროვნულად უთხრა უარი ე. ი. სტეფანიას

და ო. ბ. ოგანეზოვას და მათი განცხადებები კოლმეურნეობაში აღდგენის შესახებ არ განიხილა რაიალმასკომის სხდომაზე, რითაც დაარღვია სსრ კავშირის სახალხო კომისართა საბჭოს და საკ. კ. პ. (ბ) ც. კ-ის 1938 წლის 19 აპრილის დადგენილება „კოლმეურნეობიდან კოლმეურნეთა გარიცხვის აკრძალვის შესახებ“. ჟ. ი. სტეფანია გარიცხეს კოლმეურნეობიდან იმის გამო, რომ მისმა ქმარმა წურწუშიამ მიატოვა ოჯახი და გადავიდა საცხოვრებლად სხვა ადგილას; სკკპ წევრი ამხ. ო. ბ. ოგანეზოვა კოლმეურნეობის აქტიური წევრი, მოხუცი, ამჟამად ავადმყოფი, გარიცხეს კოლმეურნეობიდან მხოლოდ იმიტომ, რომ მისი ქმარი წავიდა სამუშაოდ სახელმწიფო საწარმოში.

ბოლნისის, ბათუმის, ქობულეთის და ყაზბეგის რაიონების მშრომელთა დეპუტატების საბჭოების აღმასრულებელმა კომიტეტებმა განიხილეს რა კოლმეურნეობებში ჩატარებული დოკუმენტალური რევიზიებისა და ინვენტარიზაციის 1954 წლის შედეგები, გამოავლინეს რიგი დანაშაულებრივი ხასიათის დარღვევებისა, მაგრამ დამნაშავე პირთა მიმართ არ მიიღეს კანონით გათვალისწინებული ზომები. ბათუმის რაიონის სოფელ ქედის მე-18 პარტყრილობის სახელობის კოლმეურნეობის საწყობის გამგეებს ხ. მსხილაძესა და რ. ქონდარიძეს აღმოაჩნდათ მითვისებული 13.586 მანეთის საკოლმეურნეო ქონება. რაიალმასკომი დაკმაყოფილდა მხოლოდ მათი სამუშაოდან მოხსნით.

ქობულეთის რაიონის სოფელ ციხისძირის სტალინის სახელობის კოლმეურნეობის საწყობის გამგემ კეყერაძემ მითვისა 16.760 მანეთის საკოლმეურნეო ქონება. რაიალმასკომის გადაწყვეტილებით იგი მხოლოდ სამუშაოდან იქნა მოხსნილი.

ზოგიერთი რაიონის მშრომელთა დეპუტატების საბჭოების აღმასრულებელი კომიტეტები არღვევენ სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1931 წლის 17 სექტემბრის დადგენილებით დამტკიცებულ დებულებას „ადმინისტრაციულ გადასახდელთა შესახებ“ და გამოაქვთ კანონსაწინააღმდეგო სავალდებულო გადაწყვეტილებები. მაგალითად: ყაზბეგის, სტალინირის და ორჯონიკიძის რაიონების საბჭოების აღმასკომებმა სავალდებულო გადაწყვეტილების დამრღვევ პირთა მიმართ დააწესეს ჯარიმა 100 მანეთამდე, ნაცვლად 50 მანეთისა; გურჯაანის საქალაქო საბჭოს აღმასკომმა 200 მანეთი, ნაცვლად 100 მანეთისა.

ყაზბეგის, სტალინირის და ორჯონიკიძის რაიონების აღმასკომების მიერ გამოცემული სავალდებულო გადაწყვეტილებები ძალაშია შესული დღიდან მათი გამოქვეყნებისა, ძალაში კი უნდა შესულიყო 10 დღის შემდეგ.

თელავის საქალაქო საბჭოს აღმასკომმა 1955 წლის 23 მარტს გამოსცა კანონსაწინააღმდეგო სავალდებულო გადაწყვეტილება, დააწესა ქალაქად მოხეტიალე ღორების მოსპობა, რის შესრულებაც დაავალა კომუნალური განყოფილების თანამშრომელს ბიძინაშვილს, რომელსაც თითო ღორის მოსპობისათვის განუსაზღვრა ჯილდოთ ხუთი მანეთი.

შემოწმებით დადგენილია, რომ ქ. თბილისის მილიციის განყოფილებების ზოგიერთი მუშაკი თვითნებობას იჩენს, აძლევს მოქალაქეებს პასუხისმგებაში ადმინისტრაციული წესით და აჯარიმებს ისეთი მოქმედებისათვის, რომლისთვისაც პასუხისმგებლობა კანონით არ არის გათვალისწინებული. ასევე უკანონოდ აჯარიმებს მოქალაქეებს ადგილობრივი საბჭოების აღმასკომებთან არსებული ზოგიერთი ადმინისტრაციული კომისია.

პროკურატურის ადგილობრივი ორგანოები ნაკლებ ყურადღებას აქცევენ და არ უწყვენ სათანადო ზედამხედველობას ხელისუფლების ადგილობრივ ორგანოებს კანონების დაცვისა და განუხრელად გატარების საქმეში.

საქართველოს სსრ უმაღლესი საბჭოს პრეზიდიუმი ადგენს:

1. დაევალოს ბოლნისის, სტალინირის, თელავის, გურჯაანის, ყაზბეგის, ორჯონიკიძის, ბათუმისა და ქობულეთის რაიონების მშრომელთა დეპუტატების საბჭოების აღმასკომების თავმჯდომარეებს:

ა) გადასინჯონ გამოტანილი არასწორი გადაწყვეტილებები, განკარგულებანი და შემდეგში რაიამსაკომის გადაწყვეტილებების და განკარგულებების გამოტანის დროს განუხრელად იხელმძღვანელონ სსრ კავშირის სახალხო კომისართა საბჭოს და საკ. კ. პ. (ბ) ც. კ-ის 1938 წლის 19 აპრილის დადგენილებით „კოლმეურნეობიდან კოლმეურნეთა გარიცხვის აკრძალვის შესახებ“, სასოფლო-სამეურნეო არტელის წესდებით და სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1931 წლის 17 სექტემბრის დადგენილებით დამტკიცებული დებულებით „ადმინისტრაციულ გადასახდელთა შესახებ“;

ბ) მიიღონ მხედველობაში, რომ კოლმეურნეობიდან კოლმეურნის გარიცხვა უნდა ხდებოდეს როგორც უკიდურესი ზომა მხოლოდ იმ პირობების მიმართ, რომლებიც აშკარად გაუსწორებლები არიან და დეზორგანიზაცია შეაქვთ კოლმეურნეობაში. გულსხმიერად მოეკიდონ კოლმეურნეობიდან გარიცხულ პირების განცხადება-საჩივრების განხილვას და მათი აპელაციები განიხილონ კანონით გათვალისწინებული წესების დაცვით.

გ) ის პირები, რომლებიც რევიზიებისა და წლიური ინვენტარიზაციის ჩატარების დროს გამოვლინებულნი იქნებიან როგორც საკოლმეურნეო ქონების მიმოთვისებელნი, გადაეცენ საგამომძიებლო ორგანოებს სასამართლო პასუხისგებაში მისაცემად;

დ) სავალდებულო გადაწყვეტილებათა გამოტანის დროს ზუსტად დაიცვან მოქმედი კანონმდებლობა, შემოიღონ პრაქტიკაში სავალდებულო გადაწყვეტილებათა პროექტების წინასწარი გაცნობა, მუშათა, კოლმეურნეთა და მოსამსახურეთა საერთო კრებებზე და გაითვალისწინონ მათი კრიტიკული შენიშვნები. სისტემატურად შეამოწმონ ადმინისტრაციული საჯარიმო კომისიების მუშაობა.

2. დაევალოს საქართველოს სსრ პროკურორს ამხ. მ. ე. თოფურაძეს გააძლიეროს ზედამხედველობა მშრომელთა დეპუტატების საქალაქო და რაიონული საბჭოების აღმასკომების მიერ მიღებულ გადაწყვეტილებათა და განკარგულებათა კანონიერებაზე და გამოვლინებულ დარღვევებზე პერიოდულად მოახსენოს საქართველოს სსრ უმაღლესი საბჭოს პრეზიდიუმს.

3. დაევალოს საქართველოს სსრ შინაგან საქმეთა მინისტრს ამხ. ვ. ნ. ჯანჯღავას შეამოწმოს საქართველოს სსრ მილიციის რაიგანყოფილებებში ადმინისტრაციული ჯარიმების დადების კანონიერება, მიიღოს საჭირო ზომები ნაკლოვანებების აღმოსაფხვრელად და ჩატარებული მუშაობის შესახებ მოახსენოს საქართველოს სსრ უმაღლესი საბჭოს პრეზიდიუმს მიმდინარე წლის პირველ დეკემბრამდე.

4. ერჩიოთ აფხაზეთის ასსრ, აჭარის ასსრ უმაღლესი საბჭოების პრეზიდიუმებს და სამხრეთ ოსეთის ავტონომიური ოლქის აღმასკომს ჩაატარონ შემოწმებები ხელისუფლების ადგილობრივი ორგანოების მიერ გამოტანილ

გადაწყვეტილებათა და განკარგულებათა კანონიერებაზე და მიიღონ შესაფერისი გადაწყვეტილებანი გამოვლინებულ ნაკლოვანებათა აღმოსაფხვრელად.

5. დაევალოს ბოლნისის, სტალინირის, თელავის, ყაზბეგის, ორჯონიკიძის, ბათუმის, გურჯაანის და ქობულეთის რაიონების მშრომელთა დეპუტატების საბჭოების აღმასკომების თავმჯდომარეებს წარმოუდგინონ საქართველოს სსრ უმაღლესი საბჭოს პრეზიდიუმს ანგარიში ამ დადგენილების შესრულების შესახებ მიმდინარე წლის 15 დეკემბრისათვის.

6. დაევალოს საქართველოს სსრ უმაღლესი საბჭოს პრეზიდიუმის იურიდიულ განყოფილების უფროსს ან. ა. კ. ჩიქვანიას თვალყური ადევნოს ამ დადგენილების შესრულებას.

საქართველოს სსრ უმაღლესი საბჭოს  
პრეზიდიუმის თავმჯდომარე — მ. ჩუბინიძე.

საქართველოს სსრ უმაღლესი საბჭოს  
პრეზიდიუმის მდივანი — ს. რახტიაშვილი.

ქ. თბილისი.  
1955 წ. 31 აგვისტო.

**4. სამტრედიის რაიონის მშრომელთა დეპუტატების საბჭოს აღმასკომის ორგმასობრივი მუშაობის შესახებ**

საქართველოს სსრ უმაღლესი საბჭოს პრეზიდიუმმა მოისმინა და განიხილა რა სამტრედიის რაიონის მშრომელთა დეპუტატების საბჭოს აღმასკომის თავმჯდომარის მოვალეობის შემსრულებლის ან. გ. ს. კანდელაკის მოხსენება და საქართველოს სსრ უმაღლესი საბჭოს პრეზიდიუმის საორგანიზაციო-საინსტრუქტორო განყოფილების უფროსის ან. ვ. ა. ქუჩუკაშვილის თანამოხსენება სამტრედიის რაიონის მშრომელთა დეპუტატების საბჭოს აღმასკომის ორგმასობრივი მუშაობის შესახებ, აღნიშნავს, რომ სამტრედიის რაისაბჭოს აღმასკომმა საბჭოთა კავშირის კომუნისტური პარტიის ცენტრალური კომიტეტის 1953 წლის სექტემბრის და შემდგომი პლენუმების დადგენილებათა შესაბამისად ერთგვარად გააუმჯობესა ორგმასობრივი მუშაობა. მშრომელთა დეპუტატების რაისაბჭოს აღმასკომი დროულად ატარებს რაისაბჭოს სესიებს და თავის მუშაობას წარმართავს საბჭოს დეპუტატების, მუდმივი კომისიებისა და საზოგადოებრივი აქტივის მონაწილეობით, რის შედეგადაც მიმდინარე წელს, გასულ წელთან შედარებით, რაიონს აქვს უკეთესი მაჩვენებლები სასოფლო-სამეურნეო გეგმების შესრულების საქმეში.

რაისაბჭოს ზოგიერთმა მუდმივმა კომისიამ მნიშვნელოვნად გააუმჯობესა თავისი მუშაობა. მაგალითად: სოფლის მეურნეობის მუდმივმა კომისიამ შეისწავლა და განიხილა რაიონის კოლმეურნეობებში ბოსტნეულ-ბაღიყულის კულტურების მდგომარეობა. აღნიშნულ საკითხზე აღმასკომმა მიიღო გადაწყვეტილება და გაატარა პრაქტიკული ღონისძიებები, ამის შედეგად შესამჩნევად გაუმჯობესდა ბოსტნეულ-ბაღიყულის კულტურების მოვლა-პატრონობა კოლმეურნეობებში.

სახალხო განათლების მუდმივმა კომისიამ შეისწავლა რაიონის ზოგიერთ სკოლაში საგაზაფხულო გამოცდებისათვის მზადებისა და მასწავლებელთა კომუნალური მომსახურების საკითხები, რაც განხილული იქნა აღმასკომის სხდომაზე და მიღებული იქნა ზომები ნაკლოვანებათა გამოსასწორებლად.

ამასთან ერთად საქართველოს სსრ უმაღლესი საბჭოს პრეზიდიუმი აღნიშნავს, რომ სამტრედიის რაისაბჭოს აღმასკომს ორგანობრივ მუშაობაში ჯერ კიდევ გააჩნია სერიოზული ნაკლოვანებები;

რაისაბჭოს სესიების და აღმასკომების სხდომებისათვის საკითხების მომზადებაში სათანადო მონაწილეობას არ ღებულობენ დეპუტატები, ყველა მუდმივი კომისია და საბჭოს აქტივი. რაისაბჭოს სესიებზე საკითხების განხილვის დროს დეპუტატები არ იჩენენ საჭირო აქტივობას, ნაკლები ყურადღება ექცევა კრიტიკისა და თვითკრიტიკის გაშლას. ამის შედეგად რაიონის ზოგიერთ კოლმეურნეობაში ჩამორჩება სასოფლო-სამეურნეო სამუშაოები. აგროვადების დარღვევით ჩატარდა სიმინდის პირველი თოხნა და ნელი ტემპით მიმდინარეობდა სიმინდის მეორე თოხნა. ზოგიერთ კოლმეურნეობაში სიმინდის თესვის აგროწესების უხეშად დარღვევის შედეგად 494 ჰექტარ ფართობზე სიმინდი არ აღმოცენდა. ნელი ტემპით მიმდინარეობდა პირუტყვის სადგომებისა და სასილოსე კოშკების მშენებლობა, ჯერ კიდევ არ იყო დაწყებული სასილოსე მასის დამზადება, დაბალია საზოგადოებრივი მეცხოველეობის პროდუქტიულობა, ნაკლები ყურადღება ექცევა სასოფლო-სამეურნეო პროდუქტების დამზადების და ფულადი სახსრების ამოღების საქმეს.

მშრომელთა დეპუტატების საბჭოებისა და სახალხო განათლების მუდმივი კომისიების სუსტი მუშაობის შედეგად გასულ სასწავლო წელს, რაიონში 8-წლიან სავალდებულო სწავლებაში არ იყო ჩაბმული 51 ბავშვი, სკოლიდან განითესა 38 ბავშვი და ცუდი მოსწრების შედეგად 1.804 მოსწავლე დატოვებული იქნა იმავე კლასში.

აღსანიშნავია აგრეთვე, რომ მიმდინარე წელს, საშუალო სკოლის კურსდამთავრებულ 18მ ახალგაზრდიდან წარმოებებში და კოლმეურნეობებში მუშაობს მხოლოდ 17.

ასევე არადამაკმაყოფილებლად მუშაობენ საბჭოები და სათანადო მუდმივი კომისიები გზების მშენებლობის, კეთილმოწყობის, ჯანმრთელობის დაცვის და აგრეთვე მოსახლეობის კულტურულ მომსახურების საქმეში, რის გამოც აღნიშნულ დარგებში რაიონს გააჩნია სერიოზული ნაკლოვანებები.

აღნიშნული ნაკლოვანებები გამოწვეულია იმით, რომ რაისაბჭოს აღმასკომი ქმედით დახმარებას არ უწყევს სასოფლო საბჭოებს, არ ზღდება მუდმივი კომისიების და აღმასკომის განყოფილებების ანგარიშგება რაისაბჭოს სესიებზე და არ სახავენ სათანადო ღონისძიებებს მუშაობის გასაუმჯობესებლად.

საბჭოებში თავმოყრილი არ არის წინასაარჩევნო კრებებზე შეტანილი ამომრჩეველთა წინადადებები. საანგარიშო პერიოდში საბჭოს არც ერთ დეპუტატს ანგარიში არ ჩაუბარებია ამომრჩეველებისათვის. ადგილი აქვს მშრომელთა საჩივრების და განცხადებების დაგვიანებით განხილვის ფაქტებს.

რაისაბჭოს აღმასკომი დაგვიანებით იხილავს ზემდგომ ორგანოებიდან მიღებულ დადგენილებებს და სუსტად ახორციელებს მიღებულ ვალდებულებების შესრულების შემოწმებას.

სამტრედიის რაიონის მშრომელთა დეპუტატების საბჭოს აღმასკომის

ორგმასობრივ მუშაობაში არსებულ ნაკლოვანებათა აღმოფხვრისა და სახალ-  
ხო მეურნეობის გეგმების შესრულების საქმეში ადგილობრივი საბჭოებისა და  
მათი მუდმივი კომისიების როლის ამაღლების მიზნით, საქართველოს სსრ  
უმალღესი საბჭოს პრეზიდიუმი ადგენს:

1. დავეალოს სამტრედიის რაიონის მშრომელთა დეპუტატების საბჭოს  
აღმასკომს მიიღოს საჭირო ზომები ამ დადგენილებაში აღნიშნულ ნაკლოვა-  
ნებათა აღმოსაფხვრელად, რისთვისაც:

ა) გარდაქმნას ორგმასობრივი მუშაობა, გააძლიეროს ხელმძღვანელობა  
და დახმარება სასოფლო საბჭოებისადმი, სისტემატური დახმარება აღმოუჩინოს  
მუდმივ კომისიებს, რათა ისინი აქტიურად ჩაებან საბჭოების ყოველ-  
დღიურ მუშაობაში, პარტიისა და მთავრობის მიერ დასახულ ღონისძიებათა  
განსახორციელებლად;

ბ) მკვეთრად გააუმჯობესოს მუშაობა დეპუტატებთან, პერიოდულად  
მოაწყოს მათი ამომრჩეველებთან შეხვედრა და ანგარიშების ჩაბარება, დაეხმა-  
როს მათ ამომრჩეველთა მიერ მიცემულ წინადადებათა განხორციელებაში.  
ფართოდ ჩააბას საბჭოს დეპუტატები, მუდმივი კომისიები და საბჭოს აქტივი  
რაიონის წინაშე მდგარ ამოცანების წარმატებით გადაჭრის საქმეში;

გ) დაეხმაროს კოლმეურნეობებს მეურნეობის სწორ დაეგმვაში და შრო-  
მის ორგანიზაციის მოწყობაში, ფართოდ გაშალოს სოციალისტური შეჯიბრე-  
ბა კოლმეურნეობებსა, ბრიგადებსა და რგოლებს შორის, უზრუნველყოს სოფ-  
ლის მეურნეობის ყველა კულტურის მოსავლიანობის გადიდება და მეცხოვე-  
ლეობის განვითარების სახელმწიფო გეგმების შესრულება. განსაკუთრებული  
ყურადღება მიაქციოს სასილოსე ნაგებობათა მშენებლობას, მტკიცე საკვები  
ბაზის შექმნას და მეცხოველეობის პროდუქტიულობის შემდგომ გადიდებას;

დ) ყურადღება მიაქციოს გზების მშენებლობისა და კეთილმოწყობის  
საქმეს, აქტიურად ჩააბას ამ საქმეში საბჭოების მუდმივი კომისიები, სოფ-  
ლის აქტივი და აგრეთვე კოლმეურნეობების საგზაო ბრიგადები;

ე) მიიღოს გადაიმტრელი ზომები საყოველთაო-სავალდებულო სწავლების  
კანონის განუხრელად გატარებისათვის და უზრუნველყოს სასკოლო ასაკის  
ყველა ბავშვის სკოლებში ჩაბმა; სათანადო ახსნა-განმარტებითი მუშაობა  
ჩაატაროს საშუალო სკოლის კურსდამთავრებულთა შორის მათი წარმოებე-  
ში და კოლმეურნეობებში სამუშაოდ ჩასაბმელად;

ვ) ფართოდ გაშალოს რაიონის მოსახლეობაში კულტურულ-მასობრივი  
მუშაობა, მოაწყოს ლექცია-საუბრები, გააუმჯობესოს კლუბების, ბიბლიოთე-  
კების, თვითმოქმედი წრეების მუშაობა, განსაკუთრებული ყურადღება მიაქ-  
ციოს რაიონის ცენტრიდან დაშორებულ სოფლების კულტმომსახურებას;

ზ) ყურადღებით მოეკიდოს მშრომელთა საჩივრებისა და განცხადებების  
განხილვას, მათზე დროულად და კანონიერი პასუხების გაცემის საქმეს;

თ) დროულად განიხილოს ზემდგომ ორგანოებიდან მიღებული დადგე-  
ნილებები და დააწესოს მტკიცე კონტროლი რაიონისაკომის მიერ მიღებულ  
გადაწყვეტილებების შესრულებაზე.

2. დავეალოს მშრომელთა დეპუტატების რაიონული და საქალაქო საბ-  
ჭოების აღმასკომებს აღნიშნული დადგენილება განიხილონ თავიანთ სხდომე-  
ზე, სასოფლო და სადაბო საბჭოების აღმასკომების თავმჯდომარეების თან-  
დასწრებით, ფართოდ განუმარტონ მათ საბჭოების მუდმივი კომისიებისა,





დეპუტატების უფლება-მოვალეობანი და დასახონ ღონისძიებები საბჭოების ორგანოებრივი მუშაობის გარდაქმნისათვის.

საქართველოს სსრ უმაღლესი საბჭოს  
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს  
პრეზიდიუმის მდივანი—ს. როსტიაშვილი.

ქ. თბილისი.

1955 წ. 31 აგვისტო.

**5. ბრძანებულება საქართველოს სსრ ზოგიერთ რაიონში აღმინისტრაციულ-ტერიტორიული ცვლილებების შესახებ**

საქართველოს სსრ უმაღლესი საბჭოს პრეზიდიუმი ადგენს:

1. მოსახლეობის სხვა ადგილებში ჩასახლების გამო გაუქმდნენ შემდეგი სოფლები:

ამბროლაურის რაიონის სხვაგის სასოფლო საბჭოს სოფელი ქვემო

სხვაგა დ ქყვიშის სასოფლო საბჭოს სოფელი ლაბეკინა;

ბორჯომის რაიონის გუჯარეთის სასოფლო საბჭოს სოფელი დიდი თონეთი;

გეგეჭკორის რაიონის დოშაყეს სასოფლო საბჭოს სოფელი პირველი კიწია;

დმანისის რაიონის ყარაბულახის სასოფლო საბჭოს სოფელი მუზ-დურლარი;

კასპის რაიონის ოკმის სასოფლო საბჭოს სოფელი მარდიანთკარი;

ლაგოდეხის რაიონის კაბლის სასოფლო საბჭოს სოფელი გოდაგთალა;

მესტიის რაიონის კალის სასოფლო საბჭოს სოფლები მუკედარი და ხალდე, ჩუბეხევის სასოფლო საბჭოს სოფელი ლაშხრაში;

საგარეჯოს რაიონის ხაშმის სასოფლო საბჭოს სოფელი ჟატი;

თეთრიწყაროს რაიონის თონეთის სასოფლო საბჭოს სოფელი ზიმოენიკი;

ორჯონიკიძის რაიონის ვარძიის სასოფლო საბჭოს სოფელი საძროხია;

წულუკიძის რაიონის კინჩხის სასოფლო საბჭოს სოფელი ბოროწინა;

ჩოხატაურის რაიონის ზემო ხეთის სასოფლო საბჭოს სოფელი წიაღობანი.

2. ეწოდოთ სოფლებს:

გარდაბნის რაიონის ტატიანოვკის სასოფლო საბჭოს სოფელ ტატიანოვკას—სოფელი კალინინო;

თელავის რაიონის კისისხევის სასოფლო საბჭოს სოფელ ნასომხარს—სოფელი ნასამხრალი.

3. გადატანილი იქნან სასოფლო საბჭოების ცენტრები:

მესტიის რაიონის მულახის სასოფლო საბჭოს ცენტრი სოფელ ქამუშიდან სოფელ კოლაშში;

ჩუბეხევის სასოფლო საბჭოს ცენტრი სოფელ თავრალიდან სოფელ ნაკში.

4. ეწოდოთ სასოფლო საბჭოებს, მათი ცენტრების სახელწოდებათა შესაბამისად:

ბოგდანოვის რაიონის ფარავნის სასოფლო საბჭოს— ტანბოგვის სასოფლო საბჭო;

მესტიის რაიონის ჩუბეხევის სასოფლო საბჭოს— ნაკის სასოფლო საბჭო; გარდაბნის რაიონის ტატიანოვის სასოფლო საბჭოს— კალინინის სასოფლო საბჭო.

5. გამოეყოთ:

ზუგდიდის რაიონის ქითაწყარის სასოფლო საბჭოს სოფელი ოირემე და მიეკუთვნოს ინგირის სასოფლო საბჭოს;

თერჯოლის რაიონის თუზის სასოფლო საბჭოს სოფელი მუჯირეთი და მიეკუთვნოს საზანოს სასოფლო საბჭოს;

თეთრიწყაროს რაიონის ახალაფის სასოფლო საბჭოს სოფლები დიდი კლდისი და პატარა კლდისი და მიეკუთვნონ ირაგის სასოფლო საბჭოს.

6. ტერიტორიულად შეზღუდვით დაკავშირებით გაერთიანდნენ გარდაბნის რაიონის გარდაბნის სასოფლო საბჭოს სოფლები:

მიხაილოვკა და ვასილევკა ერთ სოფლად და ეწოდოს სოფელი ჟღანოვკა;

ერთობა და გარდაბანი ერთ სოფლად და ეწოდოს სოფელი გარდაბანი.

7. მიეკუთვნონ სოკლების ჯგუფს:

მარნეულის რაიონის პირველი დასახლების უბანი და ეწოდოს სოფელი აკ. წერეთელი;

მარნეულის რაიონის მეორე დასახლების უბანი და ეწოდოს სოფელი ს. ორჯონიკიძე;

წალკის რაიონის სოფელ აშკალიდან გამოყოფილი მოსახლეობით დასახლებული პუნქტი და ეწოდოს სოფელი ზემო აშკალა.

საქართველოს სსრ უმაღლესი საბჭოს

პრეზიდიუმის თავმჯდომარე— მ. ჩუბინიძე.

საქართველოს სსრ უმაღლესი საბჭოს

პრეზიდიუმის მდივანი— ს. როსტიაშვილი.

ქ. თბილისი.

1955 წ. 31 აგვისტო.

6. ბრძანებულია „საქართველოს სსრ სისხლის სამართლის კოდექსის ზოგიერთი ცვლილების შესახებ“ საქართველოს სსრ უმაღლესი საბჭოს პრეზიდიუმის 1942 წლის 4 მარტის ბრძანებულების მე-15 პუნქტის გაუქმების შესახებ

„მოწყობილობისა და მასალის გაყიდვის, გაცვლის და სხვაზე გაცემის აკრძალვისა და ამ უკანონო მოქმედებისათვის სასამართლო პასუხისმგებლობის თაობაზე“ სსრ კავშირის უმაღლესი საბჭოს პრეზიდიუმის ბრძანებულების გაუქმების შესახებ“ სსრ კავშირის უმაღლესი საბჭოს პრეზიდიუმის 1955 წლის

13 მაისის ბრძანებულების შესაბამისად, საქართველოს სსრ უმაღლესი საბჭოს პრეზიდიუმში ადგენს:

1. „სისხლის სამართლის კოდექსის ზოგიერთი ცვლილების შესახებ“ საქართველოს სსრ უმაღლესი საბჭოს პრეზიდიუმის 1942 წლის 4 მარტის ბრძანებულების მე-15 პუნქტი გაუქმებულ იქნას. საქართველოს სსრ სისხლის სამართლის კოდექსიდან ამოღებულ იქნას მუხლი 134<sup>1</sup>.

2. ის პირნი, რომელნიც მსჯავრდადებული არიან საქართველოს სსრ სისხლის სამართლის კოდექსის 134<sup>1</sup> მუხლით, ხოლო სასჯელი არ მოუხდიათ, განთავისუფლდნენ სასჯელის შემდგომი მოხდისაგან.

მოეხსნათ ნასამართლობა საქართველოს სსრ სისხლის სამართლის კოდექსის 134<sup>1</sup> მუხლით მსჯავრდადებულ პირთ.

საქართველოს სსრ უმაღლესი საბჭოს  
პრეზიდიუმის თავმჯდომარე—მ. ჩუბინიძე.

საქართველოს სსრ უმაღლესი საბჭოს  
პრეზიდიუმის მდივანი—ს. როსტიაშვილი.

ქ. თბილისი.  
1955 წ. 31 აგვისტო.